

# Cynnig am Ddechreuadau Mater ychwanegol – Cynllun Cyflenwi LSC Cymru

## 1 Cyflwyniad ac Amcanion

Er mwyn helpu mwy o bobl i gael mynediad i gyngor cyfreithiol safon uchel, mae'r LSC yn dymuno dyrannu tua 10% mwy o ddechreuadau mater i gyflenwyr.

Mae'r cynllun hwn yn nodi cynigion y Comisiwn Gwasanaethau Cyfreithiol yng Nghymru (LSC yng Nghymru) i gyfrannu at y targed hwnnw yn ystod y cyfnod Ebrill 2005 i Mawrth 2006 drwy gyllido cynnydd o 10% yn nifer y dechreuadau mater Gwaith Rheoledig mewn achosion heb fod yn rhai mewnfudo.

Yn y deuddeg mis rhwng Ebrill 2004 a Mawrth 2005 cefnogodd yr LSC yng Nghymru 43,000 gweithred cymorth drwy ei gcontractau. Darparwyd 73% o'r rhain drwy gcontractau gyda chwmnïau cyfreithwyr practis preifat a 27% drwy sefydliadau dim er elw.

Ein bwriad felly yw cynyddu nifer y gweithredoedd cymorth a ddarperir gan ein cyflenwyr i 47,500 am y cyfnod Ebrill 2005 i Mawrth 2006.

Byddwn yn dymuno sicrhau fod gweithredoedd cymorth yn cynyddu yn unol â'n strategaeth. Bydd y Comisiwn yn annog cyflenwyr i ddarparu gwasanaethau integredig a diwnïad mewn nifer o feysydd cyfraith, gan roi mynediad i grwpiau cleient nad oes ganddynt fynediad i wasanaethau prif ffrwd ar hyn o bryd a gweithio i ateb blaenoriaethau a ddynodwyd yn Adroddiad Cymru 2004/5 a Strategaeth Contractio Cymru 2005.

Mae'n bwysig fod cynnydd yn nifer yr achosion yn cynrychioli cleientiaid ychwanegol a phroblemau a gaiff eu trin - a byddwn yn adolygu unrhyw gynigion am ehangu yn y goleuni hwnnw.

Wrth gwrs mae Gwaith Rheoledig yn dal i weithredu o fewn cyllideb sefydlog - a byddwn yn edrych hefyd ar werth am arian wrth ddyfarnu dechreuadau achos. Dylech nodi nad yw'r cynllun hwn yn effeithio ar gysoniad contractau, y byddwn yn parhau i'w cynnal.

Mae'r cynllun hwn felly yn nodi:

- **Ein meysydd dechreuol ar gyfer ehangiad - yn gysylltiedig â blaenoriaethau.** Dylai cyflenwyr sydd â diddordeb mewn dechreuadau mater newydd neu gcontract i ateb y blaenoriaethau hynny lenwi'r ffurflen a'i dychwelyd at **Delith Ward** yn ein swyddfa yng Nghaerdydd erbyn **dydd Gwener 10 Mehefin 2005** - gweler adran 6 islaw. Dylai'r ffurflen roi cynigion penodol am sut i ateb y blaenoriaeth berthnasol. Dylech gynnwys manylion faint o ddechreuadau mater yr ydych yn ymofyn, sut y caiff y gwasanaeth ei gyflenwi a sut y bydd hyn yn ateb y blaenoriaeth a nodir. Os ydych yn ymofyn Cyllid Datblygu CLS, dylech roi manylion y swm a'r pwrpas - gweler adran 4 islaw. Fe'ch cynghorir i roi "Cynllun Cyflenwi" ar unrhyw ohebiaeth fel y medrir eu hadnabod yn rhwydd ac i wirio y cawsant eu derbyn.
- Y cymhellion ychwanegol a all fod ar gael i helpu cyflenwyr i ehangu – gweler adran 4 islaw.

Dylai cyflenwyr nodi y caiff y cynllun hwn ei ddiweddarau'n fisol o fis Gorffennaf 2005 (dydd Llun cyntaf y mis) i ychwanegu blaenoriaethau newydd ac i dyrannu dechreuadau mater pellach ac felly dylai'r cyflenwyr hynny sydd â diddordeb mewn ehangu ei wirio'n rheolaidd o'r dyddiad hwnnw fel y medrant gyflenwi cynigion pellach neu ddiwygiedig o fewn dyddiad cau 14 diwrnod. Cyhoeddir manylion penodol yng nghyswllt datganiadau o ddiddordeb newydd neu ddiwygiedig fel rhan o'r cynllun hwn. Gofynnir i chi nodi y medrwyd gyflwyno ffurflen ddiwygiedig ar unrhyw amser os yw eich cais dechreuol yn aflwyddiannus.

## 2 Cefndir

Daw'r meysydd blaenoriaeth ar gyfer ehangu a fanylir yn adran 3 islaw o bedair prif ffynhonnell:

- Adroddiad 2004/5 Pwyllgor Gwasanaethau Cyfreithiol Cymru (cyhoeddwyd yn Hydref 2004)
- Strategaeth Contractio LSC Cymru (a gyhoeddwyd ym mis Tachwedd 2004)
- adroddiad ymchwil "Achosion Traddodi - Cyfraith Sifil a Chyfiawnder Cymdeithasol" (cyhoeddwyd ym Mai 2004 - gweler [www.lsrc.org.uk](http://www.lsrc.org.uk) i gael gwybodaeth bellach);
- gwybodaeth o adolygiad mewnol LSC o weithgareddau Cynllunio a Phartneriaeth ledled Lloegr a Chymru a gynhaliwyd yn Ionawr a Chwefror 2005.

Caiff y meysydd blaenoriaeth ar gyfer y fersiwn hwn o'r Cynllun eu crynhoi ar ffurf tabl yn adran 3.1, a rhoddir gwybodaeth esboniadol bellach yn adrannau 3.2 i 3.4.

Ni ddyrannwyd unrhyw dargedau penodol ar gyfer Dechreuadau Mater Newydd i'r blaenoriaethau a ddynodwyd ar gyfer y fersiwn cyntaf hwn o'r Cynllun - ar y cam hwn, rydym yn frwd i annog cyflenwyr i ddynodi cynigion yn seiliedig ar eich gwybodaeth o'r farchnad. Dylid pwysleisio, fodd bynnag, y byddwn yn disgwyl i chi gyflenwi ar unrhyw ddyraniad o Ddechreuadau Mater Newydd, ac y byddem yn hoffi i chi gynnig am swm **realistig** - os yw'n troi allan yn ddilynol fod eich cynnig dechreuol yn rhy isel, gall fod yn bosibl cynyddu'r dyraniad ymhellach. Yn dibynnu ar yr ymateb i'r gwahoddiad cyntaf hwn i gyflwyno cynigion, medrwn osod targedau Dechreuad Mater Newydd ar flaenoriaethau a ddynodwyd mewn fersiynau diweddarach o'r cynllun.

I gynorthwyo cyflenwyr sy'n dymuno cyflwyno cynnig/cynigion ar gyfer Dechreuadau Mater Newydd yn y meysydd blaenoriaeth a ddynodwyd, rydym wedi datblygu ffurflen pro-fforma i'w chwblhau yn y lle cyntaf. Mae hyn yn nodi'r wybodaeth allweddol y bydd angen i chi ei chyflwyno i ni fedru asesu 'ffit' yn erbyn y blaenoriaethau, a'n galluogi i ganolbwyntio ar y cynigion 'ffit gorau' yn y lle cyntaf.

## 3 Meysydd allweddol ar gyfer ehangu

### 3.1 Crynodeb o ardaloedd allweddol ar gyfer ehangu

Awdurdod Unedol/Ardal Partneriaeth Gwasanaeth Cyfreithiol Cymunedol	Ardal Ffocws Penodol	Categori/au Cyfraith
Ynys Môn; Gwynedd; Conwy; Sir Ddinbych; Sir y Fflint; Wrecsam	d/y/b	Addysg
	d/y/b	Gofal Cymunedol
Cymru-gyfan	d/y/b	Iechyd Meddwl
Sir Benfro; Ceredigion; Sir Gaerfyrddin; Powys	d/y/b	Addysg
	d/y/b	Gofal Cymunedol
Caerffili	Cwm Rhymini Uchaf	Budd-daliadau Lles a Dyled
Rhondda Cynon Taf	Maerdy a Treherbert	Budd-daliadau Lles a Dyled
Merthyr Tudful	Dowlais	Tai
	d/y/b	Budd-daliadau Lles a Dyled
Powys	Aberhonddu ac Ystradgynlais	Budd-daliadau Lles a Dyled
Blaenau Gwent	d/y/b	Tai
Caerdydd	d/y/b	Dyled
Ceredigion	d/y/b	Budd-daliadau Lles, Dyled a Thai
Sir Benfro	d/y/b	Budd-daliadau Lles, Dyled a Thai

<b>Awdurdod Unedol/Ardal Partneriaeth Gwasanaeth Cyfreithiol Cymunedol</b>	<b>Ardal Ffocws Penodol</b>	<b>Categori/au Cyfraith</b>
Torfaen	d/y/b	Budd-daliadau Lles, Dyled a Thai
Cymru-gyfan	d/y/b	Teulu (yn cynnwys Goddefiant am faterion Lles Cymdeithasol cysylltiedig)
Cymru-gyfan	Gwasanaethau all-estyn yn targedu grwpiau anodd-i'w-cyrraedd mewn ardaloedd daearyddol penodol (ee cymunedau gwledig gwasgaredig; stadau tai ymylol ac ati) a/neu gymunedau diddordeb (ee pobl anabl; pobl Du a Lleidiafrif Ethnig ac ati)	Pob categori
Cymru-gyfan	Gwasanaethau yn targedu troseddswyr, cyn-droseddswyr a'u teuluoedd - yn benodol, darparu gwasanaethau cyngor sifil i ostwng neu atal problemau gyda thai, dyled, budd-daliadau ac ati ac felly ostwng tebygrwydd ail-droseddu	Tebygol o ganolbwyntio'n bennaf ar Fudd-daliadau Lles, Dyled, Tai a Theulu ond ni chaiff categorïau eraill eu heithrio
Cymru-gyfan	Cynlluniau Dyletswydd Meddiant Tai Llysoedd Sirol	Tai

### 3.2 **Adroddiad Cymru 2004/5 a Strategaeth Contractio Cymru 2005**

Dynododd Adroddiad Cymru 2004/5 a Strategaeth Contractio Cymru 2005 y blaenoriaethau dilynol ar gyfer datblygu gwasanaeth yn y categorïau hynny o gyfraith a gynllunnir ar eu cyfer ar lefel Cymru-gyfan (Addysg; Cyflogaeth; Mewnffudo; Iechyd Meddwl; a Gofal Cymunedol).

#### 3.2.1 Addysg

Dywedodd yr adroddiad y dylid gosod contractau ychwanegol ar gyfer Gogledd Cymru a Canolbarth/Gorllewin Cymru.

#### 3.2.2 Iechyd Meddwl

Dywedodd yr Adroddiad y medrai'r drafft Fesur Iechyd Meddwl a'r Mesur Gallu Meddyliol fod ag effaith sylweddol ar y galw am gyngor iechyd meddwl yng Nghymru ac argymhellodd fod yr LSC yng Nghymru yn cynllunio ymateb addas.

#### 3.2.3 Gofal Cymunedol

Dywedodd yr Adroddiad y dylid gosod contractau pellach mewn Gofal Cymunedol yn y dyfodol i ateb yr angen cynyddol yn y maes hwnnw o gyfraith. Dangosodd Adroddiad Cymru ardaloedd uchaf ei flaenoriaeth yng Ngogledd Cymru a Chanolbarth/Gorllewin Cymru yn neilltuoel.

#### 3.2.4 Blaenoriaethau Penodol Awdurdodau Lleol

Gweler 3.1

#### 3.2.5 Teulu

Nododd Strategaeth Contractio Cymru fod gwaith yng nghyswllt asesu'r angen am gyngor Teulu lefel arbenigol yn cael ei ddatblygu ar lefel Lloegr a Chymru gan y Comisiwn Gwasanaethau Cyfreithiol mewn cysylltiad â'r Adran Materion Cyfansoddiadol a'r Adran Addysg a Sgiliau. Rhagwelwyd y byddai allbynnau dechreuol o'r gwaith hwn yn dod ar gael yn rhan olaf 2005. Yna dywedodd y Strategaeth y bydd y Comisiwn, wrth benderfynu pa gyflenwyr y dylid gosod contractau iddynt, yn ffafrio'r cyflenwyr hynny a all ddangos:

- profiad o waith cyfraith gyhoeddus plant
- profiad o waith cyfraith breifat plant
- profiad o waith trais domestig
- aelodaeth o banel perthnasol
- tystiolaeth o ymrwymiad rhagweithiol gydag asiantaethau eraill yn ymwneud â thrais domestig
- tystiolaeth o atgyfeirio priodol at asiantaethau cefnogaeth
- tystiolaeth o ddefnydd Gwasanaeth Cefnogaeth Arbenigol Cymru neu atgyfeiriad priodol i arbenigwyr mewn cyfraith lles cymdeithasol os nad hefyd yn arbenigydd cyfraith lles cymdeithasol
- gwasanaeth allan-o-oriau-swyddfa.

Yn ychwanegol, cyfeiriodd y Strategaeth at ymchwil a gyhoeddwyd gan Ganolfan Ymchwil Gwasanaethau Cyfreithiol a ddywedodd y gall y rhan fwyaf o gleientiaid teulu sydd yn ariannol gymwys fod hefyd â phroblemau Dyled, Budd-daliadau Lles a Thai. Felly caiff cyflenwyr Teulu eu hannog i ddarparu gwasanaeth integredig i'w cleientiaid Teulu a gwneir hyn drwy ddefnydd goddefiant.

### 3.3 “Achosion Traddodi: Cyfraith Sifil a Chyfiawnder Cymdeithasol”

Dyma'r adroddiad ymchwil yn deillio o arolwg cynhwysfawr o brofiadau pobl yn wynebu problemau cyfreithiol sifil a'u hymatebion i'r problemau hynny. Datgelodd yr arolwg na chymerodd un mewn pob pump o bobl unrhyw gamau i weithredu'r problemau oedd yn eu hwynebu, a bod y mwyafrif ohonynt yn credu na fedrid gwneud dim i'w helpu. Mae'r ymchwil yn rhoi tystiolaeth gref i gefnogi'r farn mai anaml y gwelir problemau cyfreithiol ar ben eu hunain - yn hytrach bydd pobl fel arfer yn wynebu clystyrau o broblemau cysylltiedig ac mai'r ffordd orau o'u trafod yw drwy gynghorwyr a all weithio ar draws nifer o gategorïau cyfraith. Mae'r ymchwil hefyd yn rhoi tystiolaeth gref i awgrymu fod pobl sy'n anabl neu sydd â salwch tymor hir sy'n eu cyfyngu, rhai'n byw mewn tai rhent, rhai ar incwm isel iawn a'r di-waith yn fwy tebygol o brofi problemau cyfreithiol na grwpiau eraill mewn cymdeithas.

### 3.4 Gostwng ail-droseddu

Mae tystiolaeth o nifer o brosiectau peilot yn Lloegr (yng Ngorllewin y Canolbarth, y Gogledd Ddwyrain a Glannau Merswy) yn awgrymu fod troseddwr, cyn-droseddwr a'u teuluoedd yn aml yn cael problemau gyda thai, budd-daliadau a dyled sydd yn amharu ar allu'r troseddwr i symud i ffordd oddi wrth ymddygiad troseddol ac adsefydlu mewn cymdeithas. Nid yw gwasanaethau cyngor sifil i fynd i'r afael â'r anghenion hyn ar gael bob amser o fewn neu'n gysylltiedig â'r System Cyfiawnder Troseddol ac na eir i'r afael â phroblemau a all yn eu tro gynyddu'r risg y bydd troseddwr yn ail-droseddu.

Caiff y broses a'r meini prawf y byddwn yn eu dilyn wrth wneud unrhyw ddyraniadau eu gosod ym mhrif adran y CLS ar y wefan hon yn y ddogfen Dyfarnu Dechreuadau Mater Ychwanegol; i ddod o hyd i'r ddogfen hon ewch i ddewislen y Gwasanaeth Cyfreithiol Cymunedol (LSC) ar hafan gwefan yr LSC a medrwyd ddod o hyd iddi dan yr adran Datblygu CLS.

## 4 Cymhellion a'r Gronfa Datblygu CLS

Gwarantir pob dechreuad mater dan y cynllun hwn hyd Ebrill 2007. Mae hyn yn golygu na fyddwn yn dileu'r dechreuadau mater newydd yn y flwyddyn hyd yn oed os yw eich cyfradd rhedeg yn is neu'n eu gostwng yn y rhaglen nesaf. Lle mae gennych ddechreuadau mater yn y categori dan sylw eisoes, bydd y warant felly yn weithredol iddynt hwy hefyd.

Lle'n berthnasol i'r cynllun neilltuol:

Byddwn hefyd yn galluogi dechreuadau mater i gael eu symud rhwng categorïau blaenoriaeth o gyfraith heb ymfyn ein hawdurdod lle mae Nod Ansawdd Arbenigol gan y cyflenwyr.

Mewn meysydd blaenoriaeth byddwn hefyd yn caniatáu cyflenwyr i hunan-awdurdodi dechreuadau mater ychwanegol hyd at derfyn ychwanegol os yw'r galw'n uwch na'r disgwyl.

Byddwn yn anelu i ddefnyddio cronfa Datblygu'r CLS - hyd at £131,000 ar gael yng Nghymru i gefnogi ehangiad mewn cyflenwad. Medrai enghreifftiau dalu am hyfforddiant, recriwtio neu arolygaeth allanol, a/neu ddarparu grantiau neu fenthyciadau ar gyfer costau sefydlu gwasanaeth newydd. Gall cyflenwyr gynnwys cynigion am arian Cronfa Datblygu'r CLS - ond rhoddir ystyriaeth i'r gost wrth benderfynu rhwng cyflenwyr ar sail gwerth am arian.

## **5 Datblygiadau'r Dyfodol**

Caiff y Cynllun hwn ei ddiweddarau ar sail fisol o fis Gorffennaf 2005. Byddwn yn cynnal gwaith i ddynodi cynlluniau newydd a blaenoriaethau ar gyfer datblygu gwasanaeth (mewn cysylltiad gyda phartneriaid a budd-ddeiliaid eraill yn y Gwasanaeth Cyfreithiol Cymunedol yng Nghymru) ar sail barhaol drwy gydol 2005/6. Fodd bynnag, sylweddolwn y bydd gan gyflenwyr hefyd farn ar feysydd blaenoriaeth posibl ar gyfer datblygu. Byddem felly yn eich annog i ysgrifennu gyda'ch awgrymiadau a chynigion i Delith Ward yn y cyfeiriad islaw.

## **6 Cyswllt**

Delith Ward  
Rheolydd Prosiect Dechreuadau Mater Newydd  
Comisiwn Gwasanaethau Cyfreithiol  
Tŷ Marland  
Sgwâr Canolog  
Caerdydd CF10 1PF

Ffôn : (029) 2064 7100

[delith.ward@legalservices.gov.uk](mailto:delith.ward@legalservices.gov.uk)